

### "পাস্ট, প্রেজেন্ট আর ফিউচারকে শ্রেষ্ঠ বানানোর বিধি"

আজ গ্রেট গ্রেট গ্র্যান্ড ফাদার আর গড্ ফাদার তাঁদের অতি মিষ্টি, অতি প্রিয় বাচ্চাদের হৃদয়ের আশীর্বাদের গ্রিটিংস দিচ্ছেন। বাপদাদা জানেন, প্রত্যেক হারানিধি বাচ্চা কতো শ্রেষ্ঠ, মহান আত্মা ! প্রত্যেক বাচ্চার মহত্ব-পবিত্রতা বাবার কাছে নম্বর অনুক্রমে পৌঁছাতে থাকে। আজকের দিনে সবাই নতুন বছর উদযাপন করতে উৎসাহ-উদ্দীপনার সাথে বিশেষভাবে এসেছে। দুনিয়ার লোকে নিভে থাকা দীপ বা মোমবাতি জ্বালায়, তারা জ্বালিয়ে উদযাপন করে আর বাপদাদা অগণিত প্রদীপ্ত দীপকের সাথে নববর্ষ উদযাপন করছেন। যা নিভে গেছে তা' প্রজ্জ্বলিত করা যায় না আর প্রদীপ্ত করার পর তাকে আর নিভানো যায় না। এমন প্রায় লাখ খানেক প্রজ্জ্বলিত রুহানী জ্যোতির সংগঠনের এভাবে নববর্ষ উদযাপন করা - এটা বাবা আর তোমরা ব্যতীত অন্য কেউ উদযাপন করতে পারে না। কতো সুন্দর ঝলমলে সব দীপকের আল্লিক সংগঠনের দৃশ্য ! সবার রুহানী জ্যোতি একভাবে, একরস দীপ্যমান। সবার মনে 'এক বাবা' - এই আন্তরিক একাগ্রতা অধ্যাত্ম দীপক গুলির ঔজ্জ্বল্য প্রদান করছে। এক সংসার, এক সঙ্কল্প, একরস স্থিতি - এটাই তোমাদের উদযাপন করতে হবে, এইরকম হয়ে এবং অন্যকে এইরকম বানাতে হবে। এই সময় বিদায় আর উৎসব দুইয়ের সঙ্গম। 'পুরাতনের বিদায় আর নূতনকে অভিনন্দন।' এই সঙ্গম সময়ে সবাই পৌঁছে গেছে, সেইজন্য পুরানো সঙ্কল্প আর সংস্কারের বিদায়েরও অভিনন্দন আর নতুন উৎসাহ-উদ্দীপনায় ওড়ারও অভিনন্দন।

যা প্রেজেন্ট, তা' কিছু সময় পরে পাস্ট হয়ে যাবে। যে বছর চলছে, তা' ১২টার পরে পাস্ট হয়ে যাবে। এই সময়কে প্রেজেন্ট বলবে আর আগামী সময়কে ফিউচার (ভবিষ্যৎ) বলে। পাস্ট, প্রেজেন্ট আর ফিউচার - এই তিনেরই খেলা চলতে থাকে। এই তিন শব্দকে এই নতুন বছরে নতুন বিধিতে প্রয়োগ করো। কীভাবে ? পাস্টকে সদা পাস উইথ অনার হয়ে পাস করো। "পাস্ট ইজ পাস্ট" তো হতেই হবে, কিন্তু তোমরা কীভাবে পাস করবে ? তোমরা বলো না যে সময় পাস হয়ে গেছে, এই দৃশ্য পাস হয়ে গেছে, কিন্তু পাস উইথ অনার পাস করেছে ? অতীতকে অতীত করেছে, কিন্তু অতীতকে এমন শ্রেষ্ঠ বিধিতে গত হতে দিয়েছ যাতে অতীত স্মরণে আসার সাথে সাথে 'বাঃ ! বাঃ !' শব্দ হৃদয় থেকে বেরিয়ে আসে ? অতীতকে কি এমনভাবে গত হতে দিয়েছ যে তোমার অতীত স্টোরি থেকে অন্যেরা পাঠ পড়তে পারে ? তোমাদের উত্তীর্ণ-কাল যেন স্মারক-স্বরূপ হয়ে যায়, কীর্তন অর্থাৎ কীর্তি গাওয়ার যোগ্য হয়ে ওঠে, ঠিক যেমন ভক্তিমার্গে তোমাদেরই কর্মের কীর্তন গাইতে থাকে। তোমাদের কর্মের কীর্তন দ্বারা অনেক আত্মার এখনও জীবন নির্বাহ হচ্ছে। এই নতুন বছরে প্রতিটা পাস্ট সঙ্কল্প এবং সময়কে এইভাবে বিধি দ্বারা পাস হতে দাও। বুঝেছ, কি করতে হবে ?

এখন প্রেজেন্টে (বর্তমান) এসো, প্রেজেন্টকে এমনভাবে প্র্যাকটিক্যালি আনো যাতে প্রতিটা প্রেজেন্ট মুহূর্ত এবং সঙ্কল্প দ্বারা তোমরা সব বিশেষ আত্মার থেকে সবার কোন না কোনও প্রেজেন্ট (উপহার) প্রাপ্ত হয়। সবচেয়ে বেশি খুশি কোন সময় হয় ? যখন তারা কারও থেকে প্রেজেন্ট (উপহার) পায়। তারা যতই অশান্ত, দুঃখী বা পীড়িত হোক না কেন, কিন্তু যখন কেউ ভালোবেসে প্রেজেন্ট দেয় তখন সেই মুহূর্তে খুশির তরঙ্গ ওঠে। লোক দেখানো প্রেজেন্ট নয়, হৃদয় থেকে দেওয়া প্রেজেন্ট। সবাই প্রেজেন্টকে (উপহার) সদা স্নেহের সূচক মনে করে। প্রেজেন্ট হিসেবে দেওয়া কোনকিছুর ভ্যালু হয় 'স্নেহে', 'বস্তু'র নয়। সুতরাং প্রেজেন্ট দেওয়ার বিধি দ্বারা বৃদ্ধি করতে থাকো। বুঝেছ ? সহজ নাকি কঠিন ? তোমার ভান্ডার তো

পরিপূর্ণ, নাকি প্রেজেন্ট দিতে দিতে তোমার ভান্ডার কম হয়ে যাবে ? স্টক জমা করেছে, করেছে না ? শুধু এক সেকেন্ডের স্নেহের দৃষ্টি, স্নেহের সহযোগ, স্নেহের ভাবনা, মিষ্টি বোল, হৃদয়ের শ্রেষ্ঠ সঙ্কল্পের সাথে - এই সব প্রেজেন্টই অনেক । আজকাল, হয় তোমাদের নিজেদের মধ্যে ব্রাহ্মণ আত্মাদের, অথবা তোমাদের ভক্ত আত্মাদের, অথবা তোমাদের সম্বন্ধ-সম্পর্কে আসা আত্মাদের, বা পীড়িত আত্মাদের - সকলের এই প্রেজেন্টের আবশ্যিকতা আছে, অন্য প্রেজেন্টের নয় । এই সবকিছুর স্টক তোমাদের আছে, তাই না ? প্রতিটা প্রেজেন্ট (বর্তমান) মুহূর্তের দাতা হয়ে প্রেজেন্টকে পাস্টে পরিবর্তন করো, তবেই সর্বপ্রকারের আত্মারা হৃদয় থেকে তোমাদের কীর্তন গাইতে থাকবে । আচ্ছা ।

ফিউচারে তোমরা কী করবে ? সবাই তোমাদের জিজ্ঞাসা তো করে, পরিণামে ভবিষ্যৎ কী ? ফিউচারকে নিজেদের ফিচার্স দ্বারা প্রত্যক্ষ করাও । তোমাদের ফিচার্স যেন ফিউচারকে প্রকাশ করে । ফিউচার কি হবে ? ফিউচারে নয়ন কেমন হবে, ফিউচারের হাসি কেমন হবে, ফিউচারের সম্বন্ধ কিরকম হবে, ফিউচারের জীবন কিরকম হবে - তোমাদের ফিচার্সে এই সমস্ত বিষয় দৃশ্যগোচর হতে দাও । ফিউচারের সৃষ্টি তোমাদের দৃষ্টিতে যেন স্পষ্টভাবে প্রত্যক্ষ হয় । 'কি হবে' এই কোশ্চেন সমাপ্ত হোক আর তার পরিবর্তন হোক 'এইভাবে হবে' এই শব্দে । 'কীরকম' শব্দ 'এইরকম' শব্দে যেন বদলে যায় । ফিউচারেই দেবতা । দেবতাভাবের সংস্কার অর্থাৎ দাতাভাবের সংস্কার, দেবতাভাবের সংস্কার অর্থাৎ মুকুট, আসনধারী হওয়ার সংস্কার । যে-ই দেখবে, সে যেন তোমাদের মুকুট আর সিংহাসন অনুভব করতে পারে । কোন মুকুট ? সদা লাইট (হালকা) থাকার লাইটের (প্রকাশিত) মুকুট । আর সদা তোমাদের কর্মে, বোলে অধ্যাত্ম নেশা ও নিশ্চিত ভাবের চিহ্ন অনুভূত হোক । আসনধারীর লক্ষণই হলো 'নিশ্চিত' আর 'নেশা' । নিশ্চিত বিজয়ীর নেশা আর নিশ্চিত স্থিতি - এ হলো বাবার হৃদয় সিংহাসনাসীন আত্মার লক্ষণ । যে কেউই আসলে তারা যেন তোমাদের সিংহাসনাসীন এবং মুকুটধারী স্থিতির অনুভব করে, এটা ফিচার্স দ্বারা ফিউচারকে প্রত্যক্ষ করানো । এইভাবে নতুন বছর উদযাপন করো অর্থাৎ এইরকম হয়ে অন্যদেরও সেইরকম বানাও । বুঝেছ, নতুন বছরে কি করতে হবে তোমাদের ? তিন শব্দে মাস্টার ত্রিমূর্তি, মাস্টার ত্রিকালদশী এবং ত্রিলোকিনাথ হয়ে যাও । সবাই ভাবছে, এখন কী করতে হবে ? তোমাদের প্রতিটা পদক্ষেপে - হয় স্মরণের দ্বারা অথবা সেবার, প্রতি পদে এই তিন বিধিতে সিদ্ধি প্রাপ্ত করতে থাকো ।

নতুন বছরের জন্য তোমাদের অনেক উৎসাহ-উদ্দীপনা আছে, তাই না ? ডবল বিদেশিদের তো ডবল উদ্যম, তাইতো ! নিউ-ইয়ার উদযাপনে কতো সাধন ব্যবহার করবে ? তারা বিনাশী সাধন ব্যবহার করে আর অল্পকালীন মনোরঞ্জন হয় । তারা এক মুহূর্তে জ্বালাবে, পরমুহূর্তে নিভিয়ে দেবে । কিন্তু বাপদাদা অবিনাশী বিধিতে অবিনাশী সিদ্ধি প্রাপ্তকারী বাচ্চাদের সাথে পালন করছেন । তোমরা কি করবে ? কেক কাটবে, মোমবাতি জ্বালাবে, গীত গাইবে আর করতালি দেবে । এটা খুব করো, করলেও কিন্তু বাপদাদা সদা অবিনাশী বাচ্চাদের অবিনাশী অভিনন্দন জানান এবং অবিনাশী বানানোর বিধি বলে দেন । সাকার দুনিয়ায় সাকারী উৎসব পালন করতে দেখে বাপদাদাও খুশি হন, কারণ এমন এক সুন্দর পরিবার যেখানে পরিবারের সংখ্যা লক্ষাধিক, প্রত্যেকে মুকুটধারী, সিংহাসনাসীন । এইরকম পরিবার সারা কল্পে একবারই মিলিত হয়, সেইজন্য খুব নাচো, গাও, মিষ্টি খাও । বাবা তো বাচ্চাদের দেখে, তাদের খুশির সুবাস নিয়েই খুশি হন । সবার মনে কোন গীত বাজে ? খুশির গীত বাজছে । সদা 'বাঃ ! বাঃ !' গীত গাও । "বাঃ বাবা ! বাঃ আমার ভাগ্য ! বাঃ আমার মিষ্টি পরিবার ! বাঃ শ্রেষ্ঠ যুগের আনন্দময় সময় !" সব কর্ম বাহ্ বাঃ ! বাঃ বাঃ-এর গীত গাইতে থাকো । বাপদাদা আজ মৃদু মৃদু হাসছিলেন - কোন কোন বাচ্চা 'বাহ্ !'-এর গীত গাওয়ার পরিবর্তে অন্য গীত গাইছিল । সেটাও আবার দুই শব্দের গীত, সেটা তোমরা জানো তারা কি গাইছিল ? এই বছর, সেই দুই শব্দের গীত গেও না । সেই দুই শব্দ হলো - 'হোয়াই' এবং 'আই' (কি এবং 'আমি'), প্রায়শঃই বাপদাদা যখন বাচ্চাদের টি.ভি. দেখেন তো বাচ্চারা 'বাহ্ বাহ্'-এর পরিবর্তে হোয়াই হোয়াই করে । সুতরাং হোয়াই-এর পরিবর্তে বলা 'বাঃ ! বাঃ !' এবং 'আমি'র পরিবর্তে 'বাবা'

'বাবা' ১ বুঝে ?

তোমরা যাই হও, আর যেমনই হও, তোমরা বাপদাদার প্রিয়, তবেই তো সবাই ভালোবেসে মিলনের জন্য ছুটে ছুটে আসো। অমৃতবেলায় সব বাচ্চা এই গীত গায় - 'প্রিয় বাবা', 'মিষ্টি বাবা' আর রিটার্ণে সদা বাপদাদা গান - 'প্রিয় বাচ্চারা, প্রিয় বাচ্চারা'। আচ্ছা। কার্যতঃ, এই বছর তো স্বতন্ত্র হয়েও প্রিয় হওয়ার অনুভব করার পাঠ, তবুও বাচ্চাদের স্নেহের আহ্বান বাবাকেও স্বতন্ত্র দুনিয়া থেকে প্রিয় দুনিয়ায় নিয়ে আসে। আকারী বিধিতে এইসব দেখার আবশ্যিকতা নেই। আকার রূপে মিলনের বিধিতে একই সময়ে অসীম জগতের অনেক বাচ্চাকে অসীম মিলনের অনুভূতি করান। সাকারী বিধিতে তবুও সীমিত সময়ে আসতে হয়। সর্বোপরি বাচ্চাদের চাইই বা কি - মুরলী আর দৃষ্টি। বাবা যখন মুরলী বলেন, সেটাও তো মিলন। হয় তা' আলাদাভাবে বলুন, বা সবাইকে একসাথে বলুন, বলবেন তো একই বিষয়। যা সংগঠনে বলেন আলাদাভাবে সেটাই তো বলবেন। তবুও দেখ, প্রথম চান্স বিদেশিদের প্রাপ্ত হয়েছে। ভারতের বাচ্চারা ১৮ তারিখের (১৮ জানুয়ারির) জন্য অপেক্ষা করেছে আর তোমরা প্রথম চান্স নিচ্ছ। আচ্ছা। ৩৫-৩৬টা দেশ থেকে বাচ্চারা এসেছে। এটাও ৩৬ রকমের ভোগ, ৩৬-এর গায়ন আছে, তাই না ! তাহলে ৩৬ ভ্যারাইটি তো হয়েই গেল।

বাপদাদা সব বাচ্চার সেবার উৎসাহ-উদ্দীপনা দেখে খুশি হন। তোমরা সবাই তন, মন, ধন, সময়, যে স্নেহ আর সাহস দ্বারা সেবাতে নিয়োজিত করেছ, বাপদাদা তার পদমণ্ডল (লক্ষ-কোটি) অভিনন্দন জানাচ্ছেন। এই সময় তোমরা বাবার সমুখেই হও বা আকার রূপে উপস্থিত হও, বাবা কিন্তু সেবায় একাগ্রতার সাথে মগ্ন থাকার জন্য অভিনন্দিত করছেন। তোমরা সহযোগী হয়েছ এবং অন্যদের সহযোগী বানিয়েছ। তাইতো সহযোগী হওয়ারও এবং সহযোগী বানানোর জন্য ডবল অভিনন্দন। কোন কোনও বাচ্চার সেবার উৎসাহ-উদ্দীপনার সমাচার এবং সেইসঙ্গে নতুন বছরের উৎসাহ-উদ্দীপনায় ভরা কার্ডের মালা বাপদাদার গলায় পরানো হয়েছে। যারাই কার্ড পাঠিয়েছে, কার্ডের রিটার্ণে বাপদাদা রিগার্ড আর লাভ প্রদান করেন। বাবা সব সমাচার শুনতে শুনতে উৎফুল্ল হন। হয় তোমরা গুপ্ত রূপে সেবা করেছ, অথবা প্রত্যক্ষ রূপে করেছ, বাবাকে প্রত্যক্ষ করানোর সেবায় সদাই সফলতা। স্নেহের সাথে রেজাল্ট - সহযোগী আত্মা হওয়া আর বাবার কার্যে কাছে আসা, এটাই সফলতার লক্ষণ। সহযোগী আজ সহযোগী, কাল যোগীও হয়ে যাবে।

সুতরাং সহযোগী বানানোর যে সেবা চারিদিকে তোমরা সবাই করেছ, তার জন্য বাপদাদা 'অবিনাশী সফলতা স্বরূপ ভব' - এই বরদান দিচ্ছেন। আচ্ছা।

যখন তোমাদের প্রজা, সহযোগী, সম্বন্ধী বৃদ্ধিপ্রাপ্ত হবে তখন বৃদ্ধি অনুযায়ী বিধিকেও তো পরিবর্তন করতে হবে, তাই না ! বৃদ্ধি হলেও তো তোমরা খুশি, তাই তো ? আচ্ছা।

যারা সদা স্নেহী, সহযোগী হয়ে সবাইকে সহযোগী বানায়, সদা অভিনন্দন প্রাপ্ত হয়, সদা প্রতি সেকেন্ড, প্রতিটা সঙ্কল্প সর্বাপেক্ষা শ্রেষ্ঠ বানায়, গায়নযোগ্য বানায়, সদা দাতা হয়ে সবাইকে স্নেহ আর সহযোগ দেয় - এইরকম শ্রেষ্ঠ, মহান ভাগ্যবান আত্মাদের বাপদাদার স্মরণ-স্নেহ আর সঙ্গমের গুড নাইট ও গুড মর্নিং।

বিদেশ সেবায় উপস্থিত টিচারদের প্রতি - অব্যক্ত বাপদাদা :

নিমিত্ত সেবাধারী বাচ্চাদের বাপদাদা সদা 'সমান ভব' -এই বরদান দ্বারা অগ্রচালিত করতে থাকেন। বাপদাদা পাণ্ডব বা শক্তি সবাইকে, যারাই সেবার জন্য নিমিত্ত, তাদের সবাইকে বিশেষ পদ্মাপদম

ভাগ্যবান শ্রেষ্ঠ আত্মা মনে করেন। সেবার প্রত্যক্ষ ফল খুশি আর শক্তি, এই বিশেষ অনুভব তো তোমরা নিশ্চয়ই করো! এখন তোমরা নিজেরা যতটা শক্তিশালী লাইটহাউস, মাইটহাউস হয়ে সেবা করবে, ততই তাড়াতাড়ি প্রত্যক্ষতার পতাকা চারিদিকে উড়বে। প্রত্যেক নিমিত্ত সেবাধারীকে সেবায় সফলতার জন্য দুটো বিষয়ে বিশেষ মনোযোগ দিতে হবে। একটা বিষয় হলো সদা সংস্কার মিলানোর ইউনিটির, সব জায়গা থেকে এই বিশেষত্ব যেন দেখা যায়। দ্বিতীয় হলো, সদা প্রত্যেক নিমিত্ত সেবাধারীকে নিজেকে প্রথমে এই দুই সার্টিফিকেট দিতে হবে - এক, 'একতা' দুই, 'সন্তুষ্টতা'। সংস্কার বিভিন্ন ধরনের হয়ই আর হবেও, কিন্তু সংস্কারের সংঘাত করবে নাকি সেটা এড়িয়ে নিজেকে সেফ রাখবে - সেটা তোমাদের নিজের উপরে নির্ভর করে। যা কিছুই হয়ে যাক না কেন, কারও সংস্কার যদি সেইরকম হয়ই তাহলে তো অন্যের তালি দেওয়া উচিত নয় অর্থাৎ প্রতিক্রিয়া জানানো উচিত নয়। সে বদলাবে বা বদলাবে না, কিন্তু তুমি তো বদলাতে পারো, তাই না! যদি প্রত্যেকে নিজেকে চেঞ্জ করে, অন্তর্লীন করার শক্তি ধারণ করো তাহলে অন্যের সংস্কারও অবশ্যই শীতল হয়ে যাবে। সুতরাং সদা পরস্পর পরস্পরের প্রতি স্নেহের ভাবনাতে, শ্রেষ্ঠত্বের ভাবনাতে সম্পর্কে এসো, কারণ নিমিত্ত সেবাধারী - বাবার ভাবমূর্তির দর্পণ। অতএব, তোমাদের যেটা প্র্যাকটিক্যাল জীবন সেটাই বাবার রূপ-দর্পণ হয়ে যায়, সেইজন্য সদা এমন জীবনের দর্পণ হও যাতে বাবা যেমন যে'রকম, সে'রকমই প্রতীয়মান হন। আর বাকি তো তোমরা পরিশ্রম ভালোই করো, তোমাদের মনোবলও ভালো আছে। সেবার বৃদ্ধিতেও তোমাদের উদ্যম-উৎসাহ প্রবল, সেইজন্য বিস্তার বৃদ্ধিপ্রাপ্ত হচ্ছে। সেবা তো ভালো, এখন শুধু বাবাকে প্রত্যক্ষ করানোর জন্য তোমাদের প্রত্যক্ষ জীবনের প্রমাণ প্রদর্শন করো। যাতে সবাই একই রকম বলে যে জ্ঞানের ধারণায় তোমরা এক, আবার সংস্কার মেলানোতেও নম্বর ওয়ান। এমনও নয় যে ইন্ডিয়া'র টিচার আলাদা, ফরেনের টিচার আলাদা। সবাই এক। এটা তো শুধু তোমরা সেবার নিমিত্ত হয়েছে, স্থাপনের কার্যে সহযোগী হয়েছে, আর এখনও সহযোগ দিয়ে যাচ্ছ, সেইজন্য আপনা থেকেই সবকিছুতে তোমাদের বিশেষ ভূমিকা (পার্ট) পালন করতে হবে। কার্যতঃ, বাপদাদা এবং নিমিত্ত আত্মাদের কাছে বিদেশ থেকে আগত এবং এখানে থাকা টিচারদের (বিদেশি ও দেশিয়দের) মধ্যে কোনরকম পার্থক্য নেই। সেবার ক্ষেত্রে যেখানে যার বিশেষত্বের প্রয়োজন, সে যে কেউই হোক, সেখানে তার বিশেষত্বই ফলপ্রদ। এমনিতে পরস্পরকে রিগার্ড দেওয়া ব্রাহ্মণ কুলের মর্যাদা। স্নেহ নেওয়া আর রিগার্ড দেওয়া। বিশেষত্বকে মর্যাদা দেওয়া হয় নাকি ব্যক্তিকে! আচ্ছা।

**\*বরদান:-\*** প্রতিটা সেকেন্ড আর সঙ্কল্পকে অমূল্য রীতিতে ব্যয় করে অমূল্য রত্ন ভব সঙ্গমযুগের এক সেকেন্ডের ভ্যাল্যুও অনেক মহান। যেভাবে একের লক্ষগুণ হয়, সেই ভাবে যদি এক সেকেন্ডও ব্যর্থ যায় তাহলে লক্ষগুণ ব্যর্থ হয়ে যায়, সেইজন্য এতটাই অ্যাটেনশন যদি রাখ তাহলে সব অসাবধানতা সমাপ্ত হয়ে যাবে। এখন তো কারও কোনকিছুর জন্য হিসেব নেই, কিন্তু অল্প সময় পরেই অনুশোচনা হবে, কারণ এই সময়ের ভ্যাল্যু অনেক। যে নিজের প্রতিটা সেকেন্ড, প্রতিটা সঙ্কল্প অমূল্য রীতিতে ব্যয় করে সেই অমূল্য রত্ন হয়।

**\*স্লোগান:-\*** যে সদা যোগযুক্ত থাকে সে সহযোগের অনুভব করতে করতে বিজয়ী হয়ে যায়।